

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**


## **Der Leye**

**Dietenberger, Johann**

**Straßburg, 1524**

**VD16 D 1496**

[urn:nbn:de:bsz:31-289256](https://nbn-resolving.org/urn:nbn:de:bsz:31-289256)





De penitentia & confessione	fo 1	Erasmus
Janus in Angulopar. disputat.	fo 29	
Gregorio de Sacerdotibus	fo 44	
Defensio Canonis cont. Pinguin	fo 48	Emser
Lutherus cont. Corleum	fo 80	
Corleus cont. Lutherum	fo 85	
De petre & thoma	fo 100	Corleus
Wasselinus de eucharistia et missa	fo 104	
Ob der glaub allain selig mach	fo 200	Dietenberger
De corrigendis Christi eccle. Erroribus	fo 218	Dietus

D 42 A 1155 RH



Der Ieye.

Obe der gelaub

allein selig mache. *nam*

S. Johannes dietenberger.

Mathei. 7.

Nit ein yeder der mir wirt sa//  
gen her her/wirt in das hymel  
reich gen/sunder welcher vol//  
bringt den willen meynes vat  
ters der im himel ist/der  
selbig wirt eingen  
in den hymel.

(Straßburg 1524: Grienynger.)







Dem erwürdigen vnd hochge

letten Herren Her Johan Schlußff/Pfarrer  
vnd pastor zu Oberlingen/ Embüt  
ich Jo. Cochleus.



**S** K würdiger her ewergüt  
gerüch vñ bestendikeit in dem alten glau/  
ben christlicher kirchen bewegt mich/ ewer  
wirden zu beschreiben. dises wolgegründet vnd Christ  
lich büchlein von dem glauben/ welches doch nit ich/  
sunder doctor Johannes Sietenberger/ ein frum got  
fürchtig vnd hochgeleert man gemacht hat/ wiewol er  
aber vil hübscher vnd gründlicher bewerter materien  
hat/ zu latein vñ zu teutsch/ ist er doch nit des willens  
eynchs büchlein vsgeen zu lassen/ wiewol ich sein wir  
de oft darumb gebetten hab. Es ist aber wol zu ge/  
dencken/ das ers on merckliche vsachen nit vnderwe  
gen laß/ er hat sie freylich nit für sich allein geschribt.  
Als ich aber zu letzt/ nach vil bitten hab gemercket/  
das er die büchlein wil ligen lassen/ hab ich etliche hin  
der im in gutem stillschweigen meinem Truckter zuge  
stelt in bester meinung/ dem gemeinen volck zu gut/  
vnd rechter vnderrichtung/ nit mir oder im zu rüm/  
San es weißt hie ydermā/ dz diser mā nit rüm retig  
sunder stil vnd gotfürchtig ist/ vñ eytler ere garnichs  
begert. Vnd ich bin nun lange zeit also mit im ver//  
wont/ das ich im meynen büchlein keins verhalte oder  
verbergt/ Sefgleiches hat er auch mit seyner newge

A ii



machen bücher keins (als ich achte) verhalten. San  
er auch auff mein bit vnd anregung am meysten / sol  
che bücher geschriben hat. Hoff zü got / ich hab nit vn  
recht daran gethon. Solten disse nutzlichen vnd wol/  
gegrünten büchlein dahinde bleiben in der finsterniß  
verborgen / so besorgte ich / Christus wurd ein mal zü  
im oder zü mir sprechen / Su böser vnd treger knecht

warumb hastu mein gelt nit den wechslern ge  
geben / das ichs / so ich käme mit wücher  
empfienge. Bit daruff ewer erwir

de wölle solchs mein züschrei

ben vn abstellen in güter

meynung versteen

vnd vffnemen.

Gegeben zü

francffurt. An

dem .17. tag Septem

bris. Anno. M. S. XXiiij.



Horred.



**A** disen färlichen zeitē  
wirt dem gemeynen Christlichen leyen  
nichts ergers od schedlichers fürbracht  
dan falscheit vnsero glaubens. Es ist  
ye d glaub dz haupt stuck ( als Christus dz selbig auch  
Paulus sagt ) an welchem kein sel sein wil / welcher da  
ran felt / wirt in sein sündē sterben / vnd an gots reich  
kein theil nymmer haben. Ist darumb nütz vnd not /  
eynem yeglichen christen menschen zū wissen / in was  
glauben er möge vnd muß selig werden / Ob vnd wie  
der Christlich glaub allein die christen selig mach / als  
dan ietzundt leidet weyt vnd Breit in aller welt got zū  
schmach / dem teuffel zū güt / zū nachteil der gemeynē  
christenheit vnchristlich geschriben / felschlich vnd fre  
uelich gepredigt wirt / deshalben sich etlich wol lassen  
beduncken seyen besser christen / so sie irriger im glau  
ben vnd weyter von Christo / seinen gnaden vnd dem  
licht des waren rechten seligen glaubens ir vor väter  
zū nutz irer selikeit gehabt / durch freuelich vnütz mē  
schen geschweyz abgezogen / vnd in newen vnseligen  
teuffelischen glauben gefelt vnd bracht werden. Von  
welchen red sanctus Paulus. Es wirt die zeit kumen  
das die menschen die heilsamen warhafftige gesunde  
lere des glaubens nit leiden werden / nit hören mögen  
sunder als die ihenen / welche die oren kitzelen / zū iren  
lüsten vnd wolg:fall meyster sūchen / von der warheit  
ire gehörd abwendē / vnd sich ire fabeln vnd leichtfert //

A iii



tigen geschwetz kereu/ von disen redt Iesus Christus  
vnsr lieber her vnd got/ welcher nit glaubt/ der ist  
schon geurteilt/ vñ der zorn gotes bleibet vber im/ wel  
chen zorn zu fürkumē/ hab ich dis büchlein/ got zu ere  
dem gemeinen einfeltigē fromen chüstlichen leyen. zu  
vnderweisung nit vñ seligkeit geschriben. Got gebe  
allen sein gnad die es in vñ zu guter meinūg lesen.

Vnderred des leyen vnd des Beichtuaters.

Ser Leye.



**I**eber erwidiger geistli  
cher vater/ wolest mir nit für vbel haben dz  
ich mein anligen/ mein selikeit betreffen dir  
als meinē geistlichen vater/ dem ich mein seel beuolhē  
hab fürhalt/ sunder mich güelichen berichte/ vñ was  
vrsachen doch ir geistlichen/ schiffkindigē/ schülgeler  
ten so vil irthumbs yetz im chüstlichen glauben macht  
in disen letzten geferlichen zeiten/ vnd last vns leyen  
wie biß her nit bleiben bey dē alten glauben vñ ewan  
gelischer klarheit. Ser Beichtuater. Liebes kind  
zu niderlegūg aller zwitteracht müß man auff das erst  
ein verstandigē/ ordenlichen geschickte richter haben/  
der gehört beide partheyen/ mög weißlich entscheiden  
vñ zu friden setzen. Sarum verschaff fürhin solcheit  
vnpartheyschen richter zwischen vns/ dan solt du vn  
uertzüglische antwort von mir haben. Ser leye.  
Ich bin nit zu kriegen/ zanken/ spotten oder zu virei  
len/ sunder als ein beichtkind zu seinem geistlichen va  
ter vnd richter kumen/ zu hören vnd lernen/ Auß dez



203  
nem mund meiner seelen nutz / vnd gnügliß auß der  
schrifft in meinem anligen bericht werden. Señ es ist  
geschriben / du solt erfragen deinē vater / der wirt dich  
es leren / vnd die eltern werden dir sagen. Vnd an ei  
nem anderen ort / Ir solt vß dem mundt des püesters  
(mit der gestryffelten leyen) fragen vnd sücken das ge/  
satz / dan er ist ein engel vnd bot gotes. Wil also von  
dir / als ein vnuerstendiger leye / demütlich fragen zü  
meynem nutz hören / vnd meiner besserung leren / des  
ich beger von dir zü wissen / wöllest auch mir güttiglich  
vnd Christenlich antwurten / das beger vnd bit ich.  
Der Reichtuater. Wol ist das geredt / nach der mey  
nung Sancti Pauli also sagen. Du solt nit zanczen  
mit worten / dan vnser Christliche versammlung hat nit  
solliche gewonheit vnd leidet das nit / sunder einer sol  
den anderen fründlichen vnderweyßen in Christenlich  
er weyßheit / das wir alle mögen volkumen werden in  
Christo Ihesu. Der Leye. Sas ist das / das ich be  
ger von dir / als dem ihenē / der verpflichtet ist nach dem  
wort sancti Pauli dem wissenden vnd vnuerstendige  
den glaubigen vnd vnglaubigen / die auß guter mey  
nung des glaubens halb fragen / vnd yederman zü be  
richten in den dingen die den glauben antreffen. Aber  
den hunden spricht Christus / das ist den verspottern  
sol man das heilig nit geben / vnd die kostlichen perlin  
nit für die sew werffen / wöllest nun vnuerzüglich mir  
antwurten / warumb ir geistlichen vnd schrifftkündi  
gen yetzunt also vil irtumbhs machent in dem glauben  
macht vns armē leyen irrer dan wir nie gewesen sein.



Der beichtuater. Sag an vff das erst / was yrth  
bs dy geistlichen ietzüt gemacht haben so mag ich dir  
desterbesser antwurten. Der Ley. Hilff got ir sein  
so vil / das sie nieman erzelen mag / Ich wil dir doch  
einen / der mich bedüct ein wurzel sein aller ander  
ir tumb / auff dis mal furbringen / vnd welest mich  
deß wol berichte. Ir geistlichen welt vns leien ye ein  
neiwē glauben machen vnd last vns nit bei der ges  
schriffte vnd alte herkömen bleiben bedunckt mich yr  
thunt vast thorlich vnd werd euch nit züm besten kö  
men. Der beichtuater. Du müst mir es klerlicher  
sagē ich verhoff / du solt bei der geistlichkeit / solich vn  
christlich stuck mit der warheit nit finden. Der ley  
Es leit am tag wie ein baur an der sunnē / das ir der  
geschriffte vnd anderē euangelschen lerē widersagēt /  
Der glaub sei nit genug zū der seligkeit / vnd mache  
vns nit gerecht / man muß auch gütre werck haben /  
die werck sein vns vor behilfflicher dan der glaub / vn  
deß gleichen vil. Sey mit disem yezunt gnüg. Der  
Beichtuater. Das wir vnd andere von anfang des  
glaubens / bis zū disen vnsern zeiten vō dem glaubē  
geleert vnd geprediget haben / ist weder der geschuff /  
noch keiner ewangelischen warheit zū wider / sol sich  
mit der warheit finden / möcht doch wol etlichen ab  
trümnigē von dem glauben / welche mit irem vnchrist  
lichen lügenhafftigen schreiben vnd predigen / gar na  
he die gantz welt vergifft / betrogen / verfürte vnd in  
irtumb bracht haben / zū wider sein / Durch solich on  
zweyfel bist auch du betrogē worden / als leidermanch



stum christen hertz/durch ir schreiben verführt in irrüb  
 vnd endlich zu der ewigen verdammis bracht wirt/wo  
 du diß gedultiglich woltest hören/wolte ich dich gnüg  
 samlich berichten. Ser leze. Gedultiglich wil ich  
 es hören/allein bezüg dein meynung nit mit vnützen  
 mensch: geschwetz/sunder mit schrifft/wie das wider  
 teil sein meynung klerlich vß den schrifftten bebringt.  
Ser beichtuater. Was nit schrifft oder in schrifftten  
 gegründet ist/wil ich lassen ruwen/bedarff auff dises  
 mal keins menschen geschwetz/mā hat schrifft gnüg.  
 Das aber du sagest das widerteil beweyß seine lügen  
 mit schrifftten/wirst du sehen das dem nit also ist/sun  
 der lauter betrug vnd felschlich furbringung der schrifft  
 damit sie ire lügen beschönten/vnd euch armen leyen  
 verführen. Ser leze. Beger wellest das mit der sch  
 rift bewe/ser. Beichtuater. Sein zweyfelst/ob  
 der glaub allein vns möge selig vnd gerecht machen  
 vor got/vrsach dises zweifels ist. Wir haben bis zu di  
 sen zeiten gelert vñ gepredigt/man muß zu dem glau  
 ben/so man zu dem brauch der vernunft kumen ist/  
 auch güte verdienstlich werck haben/on welche der ge  
 laub nit selig mach/Sar wider schreiben/leren/vnd  
 predigen die andern/als die lutherischen/es sey gnüg  
 mit dem glauben/bedürffe der werck nit zu der selig  
 keit/ist das dein meynung. Ser leze. Ja würdiger  
 vater/wellest nun auß grunt der schrifft mich des zwei  
 fels mit kurtzen worten berichten. Ser beichtuater.  
 Du soltest dich nit so bald vnd leichtlichen haben la//  
 sen irr machen. Es ist ein zeichen eins leichtfertigen  
 hertzens/bald einem yeglichen glauben. Darüb sant  
 B

¶



1. Ioh. 4. Johannes der heilig apostel sagt/ir solt nicht einem  
yeglichen geist glauben/sunder erfarent vor hin die  
geist ob sie vß got seyen/ Was vß got ist der die war/  
heit ist/muß war sein/was auß got nit ist/muß gelo  
Ioh. 14 gen sein/welches aber got vnd seiner schrifft zü wider  
ist/das kan ye nit auß got sein/wie bedunckt dich hie?  
Mat. 22 Ser leye. Ich gib das zü verdreust mich doch/das  
du mich eins leichtfertigen hertzes schiltest/so ich doch  
on schrifft nicht glaubt hab. Ser beichtuater. Ich  
hab dir gesagt auß dem heiligen apostel sant Johans  
man sol die geist vnd schrifft erfaren vnd erlernen/ob  
sie auch auß got seyen. Es hat kein lezter nie so weit  
geirret/der nit etwas auß der schrifft/doch in vnrech  
tem verstand für sich gehabt het/Soltest in disen ne  
wen meren/mit den leichtfertigen Karst Hansen/reiter  
folck/poe. ischen geschwezt also bald angehangen/sun  
der die schrifftkündige gotsfürchtigen priester/als got  
beuolhen hat/erfragt haben/ich laß das nun beleiden  
Es ist nit genüg das man sagt/das oder ihens ist in  
der schrifft gegründet/ster also geschriben/man muß  
auch sehen/wie vnd was meinung die schrifft rede/vñ  
bey bracht werde/Sarum laß dich es nit verdriessen/  
das ich dir dein wankelmütikeit im glaubē vnd das  
du so bald von dem rechten glaubē zü irtumb gefallen  
bist/verwissen hab. Ser leye. Ich sag nein darzū/  
verhoff ich sey erst von dem irtumb zü rechtem glau  
be kumen/wirst mir das mit solichen worten nit vß  
schwezen/wird auch nit anders glauben/wo ich auß  
der schrifft nit anders bericht wird. Ser beichtuater.  
Es geschehe nach deinem wort/wirst du vß schrifftem



205  
nit anders Bericht/solt du bleiben als du bist/wo aber  
ich dir wird anzeigen mit schriften dein irtumb/wir  
dest du mit auch glauben vñ folgen. Ser leye. Von  
hertzen gern/bin darüb wie obgesagt ist zü dir kumē.  
Ser beichtuater. Ich hab dir gesagt/was got vnd  
seyner schrifft zü wider ist/das mög nit vñ got sein/  
es müß gelogē ein. Das du aber sagst/das der glaub  
allein ein yederman selig vnd gerecht mach bedö:ff kei  
ner güten werck/söl keins vñerliche wercks achten/ist  
got vnd seiner schrifft zü wider/darum kan es nit vñ  
got/sunder müß gelogen sein. Ser leye. wan du  
diß mit schriften vnd der warheit bezeugst/möchtest  
du mich vberreden/vnd wider zü deinem/das ist der  
heiligen Chrißlichen kirchen glauben bringen. Ser  
beichtuater. In der schrifft findet man/das der chriß  
tenlich glaub/welcher vñ gotes gnade dem menschē  
gegeben wirt/erfunden werde in zwöfaltiger gestalt.  
Vñ das erst in seiner bloß oder bloßheit/vnd wirt ge  
nent der bloß glaub/in dem latein von den schriftekin  
digen/ fides informis. Auff das ander/ mit seinem  
geschmück/vnd wirt genant der geschmückte glaub/in  
latein fides formata. Ser leye. Hilff got kumest  
du nun mit den alten trömen herfür/ich meint du sol  
test mich vñ der heiligen schrifft berichten/so bringstu  
erdichte menschen ler/die kein grunt in götlicher war  
heit hat/als dz ein blosser vñ geschmückter glaub sei/  
wer hat dz in der schrifft ye gesehen od gelesen. Beicht  
uater. Es ist geschriben/welcher bald laufft der wirt  
sich erwan stossen/soltest meiner red biß zü end erwar  
ten/ich hab ye gesagt/in d schrifft findet man was vñ

i Cor. ii

Eph.:

B ij



Eph. 4

glauben geredt ist/nit in traumē vnd erdichten menschen lere/kanstu nun so lang warten/solt du auß der schrift gnügsamlich Bericht werden. Der lere. Der zeihe mir fründlicher vater/ich hab geredt wie ich von andern gehört vñ gelert hab/wil nun fürter gern deiner Berichtung erwarten. Bedunckt mich doch es sollen nit zweyerlei glauben/als sant Paul sagt bey vns chriſten sein/ein blosser glaub wie du für gibst/vñ ein geschmückter glaub. Der beichtuater. Ich hab dir nit gesagt von zweyerlei/sünder von einē chriſtlichen glaubē/welcher doch in zweyerlei gestalt funden wirt/bloß vnd geschmückt/ist vnd bleibt doch ein gelaub/gleich als du ein einiger mensch bist vnd bleibst/ma/gst doch in zweyerleien gestalt erfunden werden/bloß oder nackend/als im bet oder im bade/Geschmückt vnd gekleidet als vor den leuten/yezund vor meinen augen/Bleibest doch bloß eben der selbig mensch der geschmückt/bist aber anders gestalt vñ geschickt bloß dan geschmückt odr gekleidet/kanſt auch gekleide tan der arbeit thun dan mit blossen leib vnd nackender hand/Also auch der glaub ist ein einige gab gots/die etwan bloß/etwan geschmückt erfunden wirt/bleibt doch ein glaub/hat aber geschmückt andere vßwirkung/dan so er bloß ist. Geschmückt macht er den menschen ein kind der genaden/ein erben des himelreichs vnd gerechtfertig. Bloß aber scheidet er den menschen nit ab von den teuffeln/hilft nichts zū dem himelreich bringet zū keiner gerechtfertigkeit/als du solt hören. Der lere. Ich wolte gern hören/wo man das in der schrift funde. Der beichtuater. Auff das erst/

alt.



206  
solt du es hören vß dem heiligen apostolo paulo/dar  
nach auch vß andern. Sant paul schreibet also/wan  
ich allen glauben hab also höchlich/das ich die berg  
durch die stercke vnd krafft des glaubens hin vnd her  
bewegen möcht/vnd hab doch nit die liebe dar bey/so  
ist mir der glaub nicht nutz. Siehe hie hörestu vß sant  
Paul/das der glaub etwan erfunden wirt on die liebe  
vnd ein solchen glauben nennē wir christen ein blossen  
oder nackenden glauben. Auffs ander schreibet der selb  
big apostel an ein andern ort/Ir seit alle sampt kind  
gotes durch den glauben der da ist in Christo iesu/was  
er aber wil verstandē haben durch den glauben der da  
ist in Christo/zeigt er an/da er also nachuolgent sagt.  
der selbig glaub/der da durch die lieb wircket/als wolt  
er sagen/der glaub in Christo Jesu/ist der glaub ge/  
schmückt mit der liebe vnd gūten wercken stießen vß  
der liebe/dan durch solchen glaubē wonet got (als der  
apostolus sagt) in vnsern hertzen/welches doch on die  
liebe nit geschehen mag/als sant Johannes sagt/wel  
cher bleibt in der liebe/der bleibt in got vñ got in im.  
Aber durch den blossen glauben wonet got mit seinē  
gnaden nit bey vns/als da bezüget sant Jacobus also  
schreiben. Die teuffel glauben auch mit blossen glau  
ben vnd erzirern/hilft sie aber diser gelaub nit/die/  
weil sie als christus sagt sollen ewiglich vdampt sein.

Der leye. Warumb heistu den glauben on liebe  
den blossen glauben/vnd mit der liebe den gesmückte  
glauben. Der reichtuater. Nach der meinūg san  
cti pauli/spricht die gloß vber das wörtlein des .xx.  
psalmen/ Der künig wirt dein schonheit oder sauber  
B iij

i. Cor. 13

G

Gal. 5

Eph. 3

1. Joh. 4

2

i. Cor. 13



lichkeit begeret/die liebe ist ein schonheit/oder senberlicheit  
 geschmuck/oder zyrde/oder tugent vnd gaben gotes/dar  
 rumb sie von vnserm lieben herren Ihesu genant wirt/dz  
 hochzeytlich kleidt/nach der meinung der heiligē/Johan  
 nis Chrysostomi/Augustini/Gregorij vnd anderer/wie  
 nun das hochzeytlich kleid des menschen geschmuck ist vnd  
 zyrde/also ist die liebe/des glaubens vnd anderer gaben  
 gotes geschmuck vnd zyrde/deshalben der glaub on liebe  
 wirt bloß genant/dieweil er sein geschmuck/das ist die lie  
 be nit hat/vnd mit der lieb vñ gütten werckē nit geschmu  
 ckt ist. **Der Leye.** Was bis hieher vō blossen vnd ge  
 schmucktem glauben geredt ist/hab es alles für dantel red  
 gehalten/vermeint in schrifftē nichts gegründt/bin fast  
 yr mit vil andern/vnd weyt von dē rechten weg gangen  
 die sonne der weisheit gotes hat vns nit gescheynet/wir  
 haben in funsterniß bliben/ein blind den anderen verfür  
 vnd in gefelicheit vnser selen einer dē andern bracht/Bit  
 dich du wöllest mir weyter anzeigung gebē auß der gschri  
 fft vnd dem geschmuckten vnd blossen glauben/yr beider  
 vnderscheit klerlichen fürbringen/vnd sagen welcher ges  
 nügssam vnd not sey zū rechtfertigung des menschen vnd  
 der ewigen seligkeit. **Beichtuatter.** Got sey lob vñ dan  
 ck/das dz liecht seiner genaden bey dir anhebt zūscheynen  
 hastu aber woll auffgemerckt den obgeschriben wortē sans  
 cti Pau. so bistu diser ding gnügssamliche berichtet. Zū dē  
 ersten sagt er/dglaub sey etwan on die liebe/den wir/als  
 obgeschribē ist/nennen den blossen/etw a mit der weckend  
 liebe/der genent wirt/der geschmuckt glaub/den ersten



207  
nennet sanctus Augustinus / den glauben christlicher ver  
siehung / durch welchen ein yeglicher christe mensch / weiß  
kan erzeilen / vnd bekennen die stuck oder artickel christli  
ches glaubens / den andern nennet er den glauben christli  
cher genaden / vnd sant Paulus den glauben der da ist in  
Christo Ihesu: durch welchen ein yglicher christ / weiß die  
stück des glaubens / vnd ober das / dur. h. d. en glauben /  
gnade vns Christus / werde gerechtfertigt / selig / vnd er  
ben des ewigen lebens. Von dē ersten sager sant Paulus /  
er sei nicht nütz / von dem andern sager er / werden wir gotz  
kinder / des reich gottes erben / vnd mit erben christi / der  
erst wirt auch bey bösen menschen / yn tod sünden lygen er  
funden / als die heiligen aposteln sagen / aber d ander ist  
allein in frummen / gotzgnad reichen christen auff erden /  
durch den ersten ist kein vnderscheit vnder den bösen vnd  
güthen / durch den andern / werden allein gotzkinder bigna  
det / gezeichnet / vñ von bösen abgescheiden / vil die den er  
sten glaubē haben / sollen mit irē glauben v dampft werde  
als da bezügt Christus vñ. s. Pau. also sagen / wist ir nit  
dz die / welche sündlich leben habē vnder etlich / das ist vñ  
den glaubigen / werden gotz reich nimer besitzē. Ye solt  
nit yrrē / dan kein vnkeuscher / kein ebrecher / kein dieb / kein  
drunckner / kein geiziger / kein flucher / kein rauber / werde  
gotz reich besitzē. Aber welcher den geschmuckten glauben  
wirt haben vñ behalten / soll von got nimermer gescheydē  
werden / syhe vs disen allen kanstu vmercken / das der ge  
schmuckte glaube allein vns not ist / allein auff erden vns  
gerechtfertiget / vnd nach dissem leben seligē macht.

Iohann. 2

1. Coz. 6

Jaco. 2.

Mat. 7



Von diesem sagt Christus. Welcher wirt glaubig vñ  
geraufft sein/der sol selig werden/welcher aber nit ge  
laubt/wirt verdampt werden. Vnd bald das niemās  
vß disen Worten in neme ein betrüglichs hoffen/mey  
nend durch blossen glaubē on die liebe vnd gute werck  
selig zū werden/gibt er klerlichen zū verston/von was  
glauben er geredt hab also sagende. Aber den glaubi  
gen werden solche zeichen nachkumē/als wolt er sage  
dis werde sein die zeichen des rechten selgen glaubens  
in meinem namen werden sie vßwerffen die bösen sey  
end/werden reden mit newen zungen/die schlangen  
vnd giftige würm vertreiben/so sie etwas giftiges  
trincken/sol in nichts schaden/wo sie vber die krankē  
ir hend legen/werdē sie es besser haben/als wolt er sa//  
gen/ich red nit von dem blossen glauben/sunder von  
dem/welcher mit disen zeichen geschmückt ist.  
Ober dise wort redt also der heilig Bernhardus/wie  
vß obgesagtem wort von dem glaubē/die Christen ein  
grosse hoffnung/also möchten sie durch dis ein vrsach  
nemen der verzweiflung. San welcher ist yetzunt vff  
erden/der dise zeichen des rechten glaubens habe/on  
welche niemant mag selig werden/so der her sagt/der  
da nit glauben wirt/sol verdampt sein/Vnd on den  
glauben ist es vnmöglich gor wolgefallen. Was nun  
niemans on den glauben/vnd dise zeichen den glaubē  
bezügen/selig werden/wie redt der heilig Paulus vō  
gott dem rechten richter/ia Christus von im selbs/er  
werd ein yeglichen geben/nit nach dem zeichen er vff  
erden volbracht hat/sunder nach den wercken er gelebt  
hat. Aber hie ist zū wissen/das die verdienstlichen gü



208  
er werck/durch den glauben vnd liebe beschehen/werden  
sie die rechten zeichen der seligkeit bedeuert/vnd also die  
zeichen sie berüret/welche die christliche kirch im anfangt  
des glaubens/lieblich durch die heiligen aposteln volbra  
cht/halt vnd volbringt sie noch yetzund desgliehen/doch  
geistlich/durch die frumen christen/in de anfangt spricht  
der heilig Gregorius/warē sy von nöten leiblich zu bezeug  
gen den glaubē/aber yetzund so der glaub verwachsen ist  
sein sie not zu halten in geistlichem verstand. Das erst  
werck des geschmuckten glaubens/welcher durch die lie  
be wirckt/ist hertzlich rew ober die sünd durch welche rew  
onzwyffel die bösen feind außgeriben werden/so die sün  
de werden von de hertzen genamē/vß disem kumpt man  
zu neuwen zungen/das ist zu der erkantniß der sünde dur  
ch ein rechte/ware/laudere beicht/vnd so dan durch disse  
zwey die sünd vergeben sein/das man nit wider in die ge  
büßten sünd falle vnd werd das letztere böser dan das erst  
so muß man die giftige wütm/das sein die sündliche zü  
fell vertreibē/vnd ob schon ein anfechten so bald nit wird  
weyßen/sunder reizet durch leibs lust zu dem bösen/soll  
man de nit verwilligen/als den/so sie werden etwas gif  
tigs trincken/das ist/ein böse bekerüg fülen oder empfin  
den/sol es inen nit schaden/wen sie nit darinen verwilli  
gen/vnd wie wol schwerer ist in disem schwachen leib als  
so zu töten vnd oberwinden die bösen lust oder anfechten/  
wilt yn doch hilff beschehen/so sie vff dissen trancken legē  
ire hend/das ist/so sie disse anfechten bedecken mit guten  
wercken/den sollen sie gesunt werde. Nie höstu das der

C



glaub/welcher vns sol selig machen/ist nit der bloß/  
i Cor.:i sunder der mit geistlichen zeichen im ewangelio Besti  
met/das ist mit gütten verdienstlichen wercken in der  
liebe beschehen/welche ein anfang vnd bunn ist aller  
Mat:18 gütten werck/geschmuckt ist. Darum sagt Christus  
zu seinen heiligen aposteln /wan ir die lewt zu dem ge  
lauben bracht vñ getaufft habt/solt ir sie leren halten  
alles das euch gebotten ist/als wolt er sagen/Es wirt  
weder tauß noch blosser glaub/die zum dapffern alter  
kumen sein helfen/wo götliche gebot nit gehalten sein  
es müß mit dem tauß der geschmuckt glaub sein/mit  
der liebe vnd gütten wercken. Disß beziigt Christus wey  
ter da er dem glaubigen iungen/welcher got/gots ge  
bot vnd das ewig leben glaubt/vnd fragt was er mer  
thün müßt/das er selig wurd also antwort/wiltu in  
das ewig leben kumen oder eingon/so halt die gebot/  
was ist aber das anders gesagt/dan es ist nit genüg  
der bloß glaub/es wellen mit dem glauben auch gotes  
gebote gehalten sein/man müß ein geschmückten glau//  
Mat:12 ben haben mit den wercken vñ der liebe fließen/welche  
das erst vnd das gröst gebot ist.

Joh.6 Desgleichen da die iuden Christum den heren fra  
gten/ Was müssen wir thun das wir wircken gotes  
werck/das ist/das wir zu got vnd dem ewigen leben  
kumen/antwort Christus. Das ist das werck gotes/  
das ir glaubt in im/oder in den selbigen/welchen got  
der vater gesant hat/ist/mit erkantniß des glaubens  
sich zu got oder Christo ziehen (als zu vnserm letsten  
end)vnd dem höchsten güt/welches on die liebe nit ge  
schehen kan/durch welche wir vns zu got als zu dem



209  
höchsten güt schwingen/darumb hat Christus in set-  
ner obberürtē antwurt den iuden geben/nichts anders  
wöllen deuten/dan dz sie müsten haben den geschmük-  
ten glauben/der durch die liebe wirckt/dan also, sagt  
die gloß da selbst/das werck gotes von welchem Chri-  
stus hie redt/ist der glaub wircken durch die liebe/wel-  
cher wirt ein werck genent/Vffs erst/das er ein Brunn  
vnd anfang ist aller gütē werck/die got angenehm  
vnd vns verdienstlich sein/vffs ander/das got nichts  
anders sücht/dan den gütē willen vnd hertz also ge-  
schmückt mit dem liebendē glauben/wo nit vermüg-  
lichkeit ist die werck zü volbringen. Also so siehestu Eler-  
lichen/wie Christus mit dem heiligen sant Paulo ein-  
mütlich redet/das allein der geschmückt glaub/den  
mir von gots barmhertzigkeit haben/vns möge selig  
machen/von welchem doch nit geredt wirt/se man ye  
zuud sagt/der glaub mach allein selig/sunder als ir  
selbs eigene wort bezeugen von dem blossen glauben/  
welchs doch wid got vnd die geschriffte ist/als du offen-  
lichen gehört hast/betriegē sich vnd ander menschen  
für ein blind den andern/bis sie beide in die grüben  
der ewigen verdammis fallen/dan on den geschmückt-  
ten glauben mag niemans selig werden/nieman got  
Begeglich sein. Ser leye. Sise gezeugnis auß dem  
mund der warheit vnd got dem heilige geist geflossen  
sein(als da sagt der heilig dauid) mer dan fast gläu-  
big/kan sie nieman verwerffen/dan welcher got mit  
wiltlich wil zü wid sein/als. s. Steffan von iudē sagt  
By welchen wed schriffte noch pphetisch red helfen wolt  
sund widerstrebte alzeit hartneckig dē heilige geist/als

C ij

psal. 52

Actu. 7



auch yetzund alle thun/die da wider görlliche warheit sage  
leren/schreiben/all: in der bloß glaub/sei einem yeden ge  
nugsam zu der seligkeit. Ach got wie vil selen werden dur  
ch dise ketzrische ler vdampt/aber das nimpt mich wund  
der das die selbigen auch schrifft kundigen / nit haben yn  
schriften den bloßen vnd auch den geschmuckten glauben  
mögen sehen. **Reichtuatter.** Solchs ist yn widerfaren  
yerer boßheit vnd hoffart halben/als geschäben ist in dem  
büch der weißheit. Lo hat sie ir eigne boßheit verblendet  
**Isaie. 6** sagt auch **Isaias**/ es hat inen got yre augen verblendet  
vnd hertz erbetet/ das sie mit iren augen nit sehen/ vnd  
mit dem hertze nit verstou die schrifft/ vnd **Christus** / sie  
**Mat. 13** werden (sagt er) mit iren augen sehen vnd doch nit sehen/  
mit iren oren hören vñ nit verstou/dan der recht verstant  
der schrifft wirt den hoffertigē/bey yn selbß weißgeachten  
entzogen/ vnd offenbarer den demütigen. Aber zu weyres  
rem gezeuclniß der abgesagten ding von dem bloßen vñ  
geschmuckten glauben/ solt du auch der andern apostelen  
schrifft vnd meinung vernemen.

**Vff** das erst/schreibt sant **Jacobus** also/mein liebe brü  
der/wz wirt euch nütz sein/wen ir allein den glauben habe  
**Jaco. :** vñ nit auch die werck des glaubens m: int ir auch dz euch  
solcher glaub mag seligmachen. Yr solt wissen/ das der  
glaub on die werck/ist im selbs tod/ du glaubst dz ein got  
ist/thust wol da mit/die teuffel glauben das auch/haben  
auch den glauben vñ erziern/wilt du aber wissen vnütz/  
er mensch/ das der glaub on die werck vnütz vnd müßig  
is: Ist dem nit also das vnser vater **Abraham** ward auß.



den wercken gerechtfertiget / da er seine sun Isaac opfert  
auff de altar. Sichstu nun / das der glaub hat mit gewir-  
cket in wercken / vnd auß den wercken ist der glaub volk-  
men worden / vñ die schrift vberfüllt / also sagen / Abrahā  
hat got geglaubt / vnd ist im der glauben zu gerechtigkeit  
od rechtfertigung geachtet / vnd er gotz fründ genant wor-  
den. Sehet ir nun / das auch auß den wercken der mensch  
gerechtfertiget wirt / vnd nit allein vß dem glaubē / Seß  
gleich die gemain frau Raab / ist sie nit auch durch ir  
werck gerechtfertiget worden / da sie die boten von Josue  
geschickt auffnam / vnd in sicheren weg bescheydet zu got  
den als der leb on den geist oder on die seie ist tod / also ist  
auch tod der glaub on die werck

Hie hörestu das sant Jacob den glauben klerlichen in  
zwoierley geschicklichkeit beschreybet. Vß das erst / als on  
werck / dan wir den blossen / sant Paulus on die wirkende  
liebe nennet / von welchen Christus sagt / in dem iüngsten  
tag werden vil kumen vnd zu mir sagen. O her her / ha-  
ben wir nit in deinem namen gelert vnd geweissaget / vil  
wunders gerriben zc Als wolt er sagen / vil werden da er /  
scheynen in de blossen glauben / sich darauff stützen / aber  
ich werd yn sagen / weyche auß von mir vnd meine rich /  
ir wircket der boßheit / in das ort / da ewig weinen vnd zen  
klappern sein wirt / auff das ander vermerck sant Jacob  
den glauben geschmuckt mit wercken / welchen sant Paul  
lus den glauben durch die liebe wirkende / vnd Christus  
den glauben in yn nennet / von de ersten blossen glauben  
sagt. s. Jacob sampt Christo vnd sant Paul / er sey vnütz  
C iii

Mat. 7

Luc. 13.



vnwert/vnmüssig/das ist/vnuerdienstlich vn̄ in ym selo  
ber todt/aber von dem geschmückten glauben sagen sye/  
er sey von nöten vnütz/fast wert/verdienstlich gerechtfer  
tigen vnd selig machen.

Nun fürter soltu auch hören was sant Peter darvon le  
ret/auff das erst vō dem geschmückten glauben schreybe  
er also/ Ir christen solt mit euwerm glauben auch haben  
krafft güte werck zū wirckē/ in fürsichtiger bescheidenheit  
euch abziehen von allen/an der seligkeit schädliche dingen  
in gedult leidē widerwerdigkeit/barmherzig sein gegen  
euwerm nechsten/vnd behalten brüderliche vnd gotliche  
liebe. Siehe was kanstu doch klerlicher haben vō dem ge  
schmückten glauben dē das sant Peter gesaget/ir solt mit  
dem glauben haben krafft oder sterck güte werck zū wirck  
en z̄ mit brüderlicher vnd gotlicher liebe/ was ist das an  
ders/dan ir solt den glaubē geschmückt habē mit der liebe  
vnd güte wercken/ diß bezeuget er also hernach schreiben  
de. Desßhalben ir brüder/ lert grossen fleys an/das ir eu  
wer götliche berieffung vnd erwelung/ in dem glauben  
geschehen/sicher macht durch güte wercke/den so ir euch  
in güten wercken werden oben/wert ir nimmer sündler/  
den durch solchen geschmückten glauben wirt euch ober  
flüssigt gegeben werden der eingang des ewigen reichß  
vnser herren Jesu christi. Vß welche worten du hast/  
dz der glaub vns zū d̄ seligkeit not ist/der glaub mit güte  
wercken in brüderlicher vnd gotlicher liebe geschmückt/ dur  
ch welche niemant sich versündet/sunder einē yeden gege  
ben wirt freyer yngang zū dem ewigen reich vnser heren



Jesu Christi/diſſ ſtimpt zū gleichem mit dem das. 8. Paulus oben ſagt/ & glaub vnſ ſelig macht iſt der da wircket durch die lieb vnd mit dē das Chriſtus ſagt/ durch welch en mā glaubt in mich/ vñ mit dē das ſant Jacob ſchreybe der da mit wercken vollkumen/wa ein ſolcher glaub ſaget ſant Peter erfunden wirt/ & wirt vns nit Belonung bringē an dem iüngſten tag bey der erkanmiß vnſers herren Je ſu Chriſti/ ſunder mir werden durch den hintragen das en de des ſelbigen glaubens die ewige ſeligkeit vnſer ſeelen / alſo ſagt auch Chriſtus/ welcher in mich glauben wirt/ & ſoll nit in der finſterniß bleyben/ ſoll auch nit verderben/ ſun der haben das ewig leben.

Auß aller obberüter ſchriſt ſoltu diſſe lere nemen/ das alle ſchriſt die da ſaget der glaub mach gerechtſertig oder ſelig/ ſol verſtanden werden von dem geſchmückte glaub en dieweil die ſchriſt dir ſelbſ nit kan wider ſein.

Aber von dem bloſſen glauben ſchreibt weiter ſant Pe ter alſo/ welcher aber diſſe obgeſchriben ding mit ſeine glau ben nit hat/ der iſt ein blind/ yrriger / andeſtiger menſch vnd ſtet in vergeſſung der reinigung ſeiner alten ſündē/ dz iſt/ er weiß nit wie er ſich ſeiner ſünde reinigen ſol/ wel ches allein geſchicht durch den geſchmückte glauben/ der allein darzū döglich iſt/ alſo ſagt auch. 8. Pau. von diſem bloſſen glauben/ es ſey ein vnütz glauben/ ſant Jacob/ es ſey ein vnuerdienſtlicher glaub in im ſelber tod/ Chriſtus ſaget/ es ſey ein vnwerder glaub bei im/ durch welchen er niemant zū gnad vñ ſeligkeit erkenne. Nun ſoltu noch ein klein wort auß. 8. Johans ſchriſten hören zū feſtigen Mat. 6  
i. Joſ. 2



die vorgesagte ding. Sifer schreibt also von dem blossen glauben/welcher sagt er kenn got/verstand durch  
i Joh. 2 den glaube/vnd helt nit sein gebot/der ist ein lugner  
Was ist diß anders/dan welcher den blossen glauben hat on die liebe vnd güte werck/tröst sich dieses glaubens vermeint er ere vnd gefal got fast wol/Hab gots gnügsam erkantnis im notürfftig zu der seligkeit/der ist ein lugner/dan durch disen blossen glauben gefelt niemans got wol/hat gotes kein selige erkantnis/dan solichs geschicht allein/als du bald wirst hören/durch den geschmückten glauben. Siehe wie die andern obge schreiben den blossen glauben vnnütz/in im selbs tod/vntöglisch zu vergebung der sünden/also beschreibet in auch sant Johans/er sei on gots selige erkantnis/vnd darumb nicht nutz.

Weiter von dem geschmückten glauben schreibt er  
i Joh 3 also/Si ist das gebot gotes das wir glauben in dem namen seines suns ihesu Christi/Was er aber da mit meyn/zeigt er fürter an also schreiben. Wir sollen ein ander lieben wie vns got gebot hat/als wolt er sagen Got hat vns mit dem glauben auch die liebe/welche nymmer ist on werck/das ist den geschmückten glauben geboten/als dan fürtan sant Johannes schreibt. Ein jeglicher der vß got geboren ist/hat got lieb/Aber ein jeglicher der da glaubt/das ihesus ist Christus/ist vß got geboren. Darumb ein jeglicher der da glaubt das Ihesus ist Christus hat got lieb/also ist der recht glaub in Christo ihesu nymmer on die lieb/vber welche wort sagt sant Augustin/Welcher ist doch der da nit glaubet/das Ihesus sey christus? Das ist der/welcher nit



212  
also lebt als Christus geboren hat/vil sein die do sagen  
ich glaub/ Aber das sol man wissen/das der glaub on  
die werck nit selig macht/aber das werck des glaubes  
ist die liebe in iren wercken/als das bezüigt sant Paul  
Sarumb der recht selig machend glaub ist/der gesch  
mücket glaub mit der liebe gottes vnd des nechsten/in  
erzeugung der werck. Ser leye. Ich bin yezunde  
der schrifft gnüg vnd wol berichtet/sag mir haben auch  
die heiligen angezeigte schrifft in sollicher meynung  
gehandelt. Ser beichtuater. Genslichen vnd ma  
nigfaltiglich/wil dir das züm teil fürbringen. Auff  
das erst spricht sanctus Augustinus/vor allen dinge  
sol auß den Christglaubigē hertzen geschlagen werden  
das sie ir seligkeit/durch böse sicherheit nit verlieren/  
so sie den blossen glauben zü erwerbung der seligkeit/  
genügsam vermeinten/vnd versaumpten güte Chri  
stenlichs leben/vnd den weg gottes in güten wercken  
zü halten/dan zü den zeyten der heiligen aposteln/vß  
bösem verstand etlicher dunckelen sprüch des heiligen  
apostel Pauli/haben im etliche zü gemessen/er solt ge  
sagt haben/lassent vns vbel thün/das wir das ewig  
leben vnd gotes barmhertzigkeit erwerben/ **No. 5**  
Sweil er het gesagt/das gesetz hat sich einzogen/das die sünd  
des da grössere were/wo aber die sünd grösser/da ist  
auch die genad gotes vberflüssiger gewesen. **No. 7**  
So nun der apostel spricht/das der mensch gerechtfertigt werd  
durch den glauben on die werck des gesetz/ist das nit  
sein meynung/das die werck der gerechtigkeit vns ge//  
boten/solten veracht werden/sund das ein yederman  
wiß/er mög durch den glauben gerechtfertigt werden

S



ob er schon in guten wercken des gesetzes sich fürhin nit  
geübet het/dan die guten werck volgen/so man gerech-  
tferdig worden ist/gon nit für so man sol gerechtfert-  
iget werden. Sweil aber diß irtumb/das der bloß  
glaub allein gnügsam wer zü der gerechtferigung vñ  
seligkeit/in den zeiten der aposteln angefangen ward.  
So haben die andern aposteln s. Peter Johannes Ja-  
cobus vñ Judas in iren episteln am meisten ir schrift  
dahin gericht/das der bloß glaub der ist on die werck/  
nichts nutz sey/als auch der heilig Paulus nit ein yegli-  
chen glauben genügsam bekent zü der seligkeit/sunder  
allein den/welchen er den ewangelischen glaubē besch-  
reibt/welches werck vß der liebe fließen. Der glaub sa-  
get er zü der seligkeit ist/der durch die liebe wirckt/aber  
den blossen glaubē den etliche allein gnügsam vermei-  
net/hat der apostel also öffentlich vnütz verjehen/ das  
er sagt. Wan der glaub so groß bey mir wer/das ich  
dardurch möcht die berg verrucken/vnd het die liebe  
nit da mit/so bin ich doch nichts wert/dan wo die glau-  
big liebe oder der liebender glaub nit ist/da lebt man  
on zweifel nit wol/dweil die vollkumenheit alles gesatz  
ist die liebe. Sarumb da sant Peter in seiner andern  
epistel Kerlinen zü gutem leben vnd heiligen wercken  
ermant hat vnd weiß gesagt/wie dise welt solt vergen  
vñnd solten die Christglaubigen andere newe hymel  
vnd erden erwarten/die den gerechten einzwonen sol-  
ten gegeben werden/das sie möchten wissen wie sie le-  
ben solten/das sie zü solicher wonung kumen möchten  
so er wist das etlich vß den dunkeln wortē sant Pauli  
vrsach würden nemen yres irtumbs/nit achten wol zü

Gal. 5

i Cor. 13

2. pet. 3



213  
leben/allein vff dem blossen glauben stüren/hat er be-  
rürt wie etliche wort seyen in den episteln sancti Pauli  
schwer zü versten/welche die menschen doch zü irer ver-  
damnis verkeren würden vnd verkeren/als auch an-  
dere schrift/so doch sant Paulus von der ewigen selig-  
keit/welche allein gegeben wirt die da wol leben/eben  
das selbig das die andern aposteln geschriben haben.

Aber sant Jacob ist den selbigen also ser gefär/die  
den blossen glauben on werck zü der seligkeit gnügsam  
vermeine/das er sie auch den teuffeln vergleicht. **Su**  
glaubst sagt er/das ein got sey/ thüst wol da mit/die  
teuffel glaubens auch vnd erzirern deshalbē/ was mö-  
chte warhafftigers kürzter hefftigers gesagt werde/so  
wir auch im ewangelio lesen/eben das selbig von den  
teuffeln verjehen/da sie Christum gotes sun bekanten  
vnd von im gestrafft wurden/welches in sant Peters  
verjehung höchlich von Christo globt ward. was wirt  
es nutz sein sagt sanctus Jacobus/ob yemand sagte  
er het den glauben/vnd het die werck nit meint ir das  
sollicher glaub in selig mach. wissent das der glaub on  
die werck ist tod/wie lang wollen nun die sich selber be-  
triegen/die vermeynen der bloß glaub sey genügsam  
zü der gerechtfertigung vnd der seligkeit. Sie schrift  
bezeugt ye klerlichen/solichen glauben ganz vnnütz/  
vnd allein den geschmückten glauben mit der liebe vñ  
güthen wercken dem menschen selig/ Darumb sag ich  
offentlich auch mein meinung.

In dem geistlichen bawe Christenlicher kirchen/ ist  
Christus die grundtfeste/ San es ist geschriben/ Es  
mag nyemants ein anderen grund setzen. oder legen. **i. cor. 3**

S ij

Jaco. 2

¶

Mat. j

Mat 16



on den der da gelegt ist / dz ist Christus iesus. Ist nun  
Christus die gruntfeste / so ist es auch der glaub Christi  
on zweyffel / dan durch den glauben wonet Christus in  
vnsern Herzen / Aber den glaubē Christi nenne ich den /  
Eph. 3 welchen sant Paulus beschreibet / er wirck durch die lieb  
dan der bloß glaub / welcher auch by den teuffeln erfun  
den wirt / kan nit die gruntfeste sein. Warumb: dweil  
er nit ist der geschmückt glaub durch die liebe wircken /  
sunder ein blosser glaub / außgepreit vñ vßgeschwun /  
gen durch die forcht. Also der glaub Christi / der glaub  
Christlicher gnadē / das ist der mit der liebe geschmückt  
ist / vnd durch die liebe wirck / ist der recht gruntfeste  
vnsere seligkeit / die niemans laßt verderben. als Chri  
stus im ewangelio bezeugt also sagend. Nit ein yegli  
cher der mir wirt sagen herr her wirt in das himelrich  
Mat 7 gon / stunder der da volbringet den willen meins vaters  
der in himel ist / der selbig wirt in den himel kumen.

Att. /  
Darum sein die heiligen aposteln sant Paulus vñ  
sant Jacobus nit wider einand / so einer spricht / man  
wirt gerecht fertigt durch den glauben. on die werck / der  
ander schreibet den glauben on werck on nütz / dan sant  
Paulus redt von den wercken die dem glauben fürku  
men / sant Jacobus von den / welche dem glauben nach  
kumē / als auch sant Paul an vil orten schreibet / darüb  
der geschmückt glaub mit der liebe vnd gütten wercken  
ist der glaub / durch welchen man recht vnd seliglich  
glaubt in den heren / welcher gerecht fertigt den vnge  
rechten / dis ist der glaub / durch welchen der eytel rüm  
des gesatz wirt vßgeschlossen / Welcher hungerig vnd  
durstig ist nach der gerechtikeit / durch welchen glaubē



wir hoffen gerechtfertig vnd selig werden/durch welches  
en wir die ewigen seligkeit erwerben/ In welchem ein. **Johel. 2**  
yeglicher der da wirt antrieffen den namen des heren/  
wirt selig werden. Vil ander schöner wort hieher die//  
nen schreibt sant Augustinus/wil sie vmb der kurtze  
vnd wegen lassen/vnd auch anderer heiligen meinüg  
ertzelen. Ser wirdig lerer Origenes schreibt also/es  
ist nit fast nutz/so man hat ein ernst zü got on die be//  
scheidenheit/San die iuden da sie vermeinten sie he  
ren grossen ernst zü got/wardē sie todschläger an dem  
sun gotes/also wie der apostel sagt. Ellich haben wol  
den ernst zü got/aber nit mit bescheidenheit/möcht er  
auch sagen/etlich haben den glauben/aber nit mit be  
scheidenheit/wan sie nit wissen/das der glaub on die  
werck tod ist/vnd das der glaub nit allein in Worten/  
welche auch von einē anderen gedicht vnd geschriben  
werden/sunder im hertzen ist/wie dan die frawe het/  
die da sagt/wan ich den saum seynes kleids anrühren **Mat. 9**  
würd/so wird ich gesund/darumb welcher nit ein sol  
chen glauben hat/das er den glaubē mit den wercken  
gnt beweß/zü dem mag man wol sagen/er hab den  
glaubē/aber nit mit rechtem wissen oder güter beschei  
denheit. Dissen glauben mit wercken begerten sie hei  
ligen aposteln da sie den heren baten/ Her wölft vns  
den glauben meren/das ist/das wir den glauben yetz  
und on die werck/mit wercken haben. **Luc. i**

Sanctus Gregorius schreibt desgleichen/auf den  
worten (spricht er) des heiligen Ewangelij möcht vil  
leicht yemants bez im selber sagen/ Ich hab schon den  
glauben/ich kan nit verderben/ich müß selig werden

S ij



Ein solicher sagt war/wo er den glaubē mit den wer-  
ken hat/San der recht glaub ist/der das mit wercken  
erzeigt vnd bezeuget/vnd mit leben nit zū wid ist dem  
welches er in Worten bekent/Sarumb redt an ein ort  
sanctus Paulus von den falschen glaubigen. Sie ver-  
sehen in den Worten des glaubens sie kennē got/aber  
in den wercken verlögnen sie got. Vnd sant Johan-  
nes/welcher spricht er kenn got/vnd helt nit seyne ge-  
bot/der selb ist lügenhafftig. So dem nun also ist/so  
müssen wir den rechten waren glaubē/durch auffmer-  
kung vnsers lebens erkennen/dan sein wir aber recht//  
glaubig/war mir das mit wercken erfüllen/das wir  
mit Worten versehen/yn dem tag vnsers taufts haben  
wir alle got gelobet zū verleucken/alle böse werck des  
teuffels vnd allen sünden. Sarumb ein ygllicher bring  
für die augen seines hertzen/sein leben/vnd findet er  
das er nach dem tauft halt/das er vor dem tauft gelo-  
bet hat/so sey er gwiß/vnd frewe sich des/dz er warli-  
ch glaubig ist/vñ an ein andn ort sagt er also. Ein ye-  
derd da vñ seine schöpfer wicht durch mißglauben/od  
böse werck/ist ein abtrünniger von got/Es kan keins  
on das ander nütz sein/noch der glaub on die werck/  
noch die werck on den glauben.

Vnd sanctus Chrysostomus spricht/Sas die christ  
glaubigen nit sollen verhoffen das sie durch den bloße  
glauben allein/selig möchten werden/so helt yn Chri-  
stus auch für die pein der bösen mensche/das also die  
vnglaubigen zū dem glauben/vnd glaubigen zū gü-  
ten wercken vermanet oder erwecket wurden.



215  
Santus Hieronimus sagt also/durch die zehē iunck  
frawen im ewangelio werden alle glaubigen bedüret/die  
d; öle in ampeln haben bedeuten die den glauben mit wer  
cken geschmückt habē/die aber kein öel in iren ampeln ha  
ben/bedeuten die den blossen glauben haben/vñ die wer  
ck der liebe vñ anderer tugent versaumt haben/zü wel  
chen d; her sagt/sür war/ich keñ eñ wer mit zē Wen ich solt  
schreyben/alle wort der heiligen hie her dienen/müßt ich  
fast vil zeit haben/vñ ein ser groß büch mache/mein doch  
du solst mit disem/dich auff dis mal lassen genüge. Der  
Leye. Wen du mit alle in einen auß disen heilige herrest  
anzeigt/aolt ich ganzliche sein zü freiden gewesen/ich dan  
ck dir deiner güten lere vñ vnderweysung/durch welche  
ich wider auff den rechten weg/zü dem waren christlichen  
glauben kumen bin/verhoff ich wol auch vil andere güte  
christen machen/vñ sie des berichten/das der gla<sup>b</sup>/zü  
vor einē yegleichen menschen not/zü zweierley gestalt/in  
göttlicher schrifft erfunden werd. Auff das erst/gschmückt  
mit der genaden christi/welcher von sant Pau. der wirck  
ender glaub durch die liebe/von Christo der glaub in got  
von den heiligen der glaub christlicher gnaden/der glaub  
christi/der ewangelisch glaub/der grundt des bawes christ  
licher kirchen/von gemeiner christenheit der geschmückt  
glaub gencket würt. Siß ist der glaub der auff erden ge  
rechtfertiget/vñ nach disem leben selig macht/von etli  
chem geschriben ist/der gerecht/lebet in seinē glauben/on  
disen glauben mag niemant got wol gefallen/mit dissem  
kan niemant verdampt werden/nach dē wort Christi also  
S iij

Abac. 2.

Heb. 11



laurend / Welcher glaubt vnd getaufft wirt / sol selig werden / de welcher bald nach chüstlichem taufft verscheydet vñ stirbt / wirt als bald selig / gerechtfertiger durch den glauben / wirt er aber sein taufft ober leben / vnd zu güte brauch seiner vernunft kumen / er ihu dan eygenen verdienst zu dem glauben / vnd zu volbringen den willen gotes des hymelischen vaterß / so wirt er als Christus sagt / niemer zu gotes reich kumen.

Mat. 7

Zuff das ander wirt der glaub bloß erfunden / on den geschmück der liebe vnd güter werck / welcher nichts nützlich ist zu der gerechtfertigkeit / nichts behilflich zu got / vñ auch in teuffeln vnd in allen getaufften chüsten todßündern erfunden wirt / der bloß glaub genener vnd chüstlicher verfassung / durch welchen mā sich chüsten bekennet / die weil man chüstlichen taufft vnd sacrament entpfangē hat / welcher doch todt ist vnd nichts diener zu dem ewigen leben / ia wan disser bloß glaub allein zu dem himelreich genügsam were / dö:ßft man kein gotz gebot halten / got vnd dem nechsten mit lieben / keiner oberkeyt weder geistlich weder weltlich gehorsam / niemant kein recht oder billichs thun / kein eer / kein zucht / kein tugent / kein erbärmkeit halten / dan werē alle sünd / alle schand / ergernuß vnd vbel / yeder man freyße erlaubt / wer also das gantz Euanlium falsch / vnd der glaub nichts anderß / dan ein gemeyner vrtlaub zu allen oneren / ontugenden / sünden / schaden schanden / lasteren / vnd schlackheuten . Sarumb kan ich nun wol verston vnd mercken / eß müßte erlogen sein / das der



216  
blossen glauben allein selig mach/ aber der recht christlich  
glaub sey/durch welchen die menschen hie gerechtfertigt/  
vnd entlichen sollen selig werde/es muß vnser glaub/wie  
ich de auß der schrifft gehört hab/anders geschickt/das ist  
mit götlicher vnd des nechsten liebe vnd gütten werckē ge  
schmückt sein/diſ ist der recht christen glaub vō welchem  
sant Paulus sagt/ir sein nu gerechtfertiget durch dē glau  
ben Jesu christi/er sagt nit/durch den blossen glaubē/sun  
der durch den glauben Jesu christi/das ist/alo er sich selb  
ber erkleret/durch den geschmückten glauben/mit der wir  
ckender liebe/dises glaubens ende ist/ als sant Peter sagt  
samt Christo/die ewige seligkeit. Aber das ende des blo  
ssen glaubens/ist die ewige verdammis/ als Christus be  
zügt/ hab ich nun die meinung recht verstanden/wöltest  
mich des vnderweisen/wil dich fürter erlassen vnd yetz  
und danckbarlich vō dir scheiden. Beichuatter Gantz  
vorkumlich vnd woll hast mich verstanden/nach christ  
licher meinung/der rechten ewangelischer warheit/den al  
so sagt sanctus Augustinus. Es soll sich niemant vertrö  
sten des blossen christlichen namens/sunder glauben das  
er mer verdampft werde/wa er solchen namen felschlichen  
an im trage. Ist aber yemant also vnglenbig/vnselig/  
kinn/freuel/verstopft/dz er sich gottes zukünfftiges zornis  
nit erschreckt/der scham sich doch vor den mensche/bei wel  
chen grosse nachteil geacht ist/so yemants anders genent  
witt dan er ist/alo das einer solt ein aduocat od fürsprech  
geheissen sein/der keine büchſtaben kennet oder nit reden  
künde/oder ein ritter genent/der kein waffen brauchen

Gal. 2

i. Pet. 1

Mat. 7



kündt/aber ein schuster/schneider/goltschmidt/kauffmā  
oder anderß /der nit hab daß zū dem namen gehört.

Auß solchem exempel mögen wir lernen das kein namen  
wil sein on sein werck/sunder ein yeglicher nam entsprün  
get vnd wirt geben von wercken. Wie wiltu nun christen  
genent werden/ so kein christen werck in dir befundē wer

Christen namen/ist ein namen der gerechtikeit (den  
gütikeit/gedult/demütikeit/reynigkeith/barmherzigkeit/  
andechtigkeith zū got/ vnd du wilt christen genent werden  
so du doch differ ding keyns oder wenig hast: der ist war  
lich christen/welcher nit mit dē namen allein/sunder auch  
mit wercken christē ist/der rein/keusch/heilig/gerecht on  
schuldig bleibt/in welches hertzen keyn boßheit/sunder  
allein tugent stat hat/der niemant beleydiget oder schedigt/  
sunder yederman behilflich ist/der niemant hast/sunder  
auch seine feindt lieber/ynen güts gūnnet vnd thut/vnd  
für sie bitter/dē welcher yemant beschediget vñ sich doch  
christē nennet/der leügt sicherlicher/Christen ist/welcher  
den weg christi wandert/vnd Christo nachfolget in allen  
dingen nach zūolgen gebotten/ als geschriben ist/der da  
sagt er bleib in christo/sol auch wandern wie Christus ge  
wandert hat/ Niemandt berrieg sich oder andere/welcher  
nit zū dem namen auch recht wirt sein in wercken/sol das  
ewig leben nit haben/welcher gotes gebot nit helt/sol kein  
teyl haben mit christo. Es fraget auff ein zeit den herrē ein  
tunger/ was er thun müßte/ das er selig würd. Antwort  
Christus/halt die gebot/ er sagt nit halt den blossen glau  
ben allein/dē wan blosser glaub allein genügsam wer/so

1. Joh. 2





217  
Her got vergebens vnd vnüzlich gebottē sein gebot zū hal-  
ten. Was wer es von nöten das wir sein gebot hielten / wā  
vns der bloß glaub allein selig macht: Aber das sey weyt  
von mir / das ich got meinem herren zū gebe / er hab etwz  
vnüzliches vnd vergebens gebotten / diß zeigt sant Augu-  
stinus / mit weyter vnd viler schrifft an / wil sie omb kürz  
willen vnderwegen lassen.

Genüg ist das du verifest / kein schädlicher yrrhū mög  
sein in der chriſtenheit / den das man meinet / der bloß ges-  
laub möge vns allein selig machen / vñ bey got nützlich seyn  
halt dich vnd bleyb in dem geschmückten glauben bis an  
dein ende / so wirst du sicherlichen / als Christus verhey-  
sen hat / selig werden / das wöl dir vnd allen recht chriſt-  
glaubigen genediglichen gūnnen Ihesus christus vnser  
lieber got vnd her / welche mit got dem vatter vnd dē heis-  
ligē geist / sey lob eer vnd danck ymmer vnd ewig Amen.

Getruckt zū Straßburg durch Johannem  
Grieninger vff der heiligen drey König  
abend / als man zalt nach der geburt  
Christi / tausent fünffhundert vnd  
vierundzwenzig iar.

1881.



*[Faint, illegible text, likely bleed-through from the reverse side of the page]*

*[Small, faint handwritten or printed mark]*

*[Faint, illegible text, likely bleed-through from the reverse side of the page]*



B. VII. 7.





I  
E  
*Def...*

C  
*de...*  
W  
*de...*